

戒因緣經卷第八

上八

姚秦三藏竺佛念譯

鼻奈耶第八

波逸提法第五之二

佛世尊遊舍衛國祇樹給孤獨園爾時世尊未結過中食戒尊者迦留陀夷日下晡著衣持鉢入舍衛賓陀跋陀天陰夜黑厚雲掣電霹靂光忽然明有一姓婦出外汲水尊者迦留陀夷至門欲入分衛電光中見迦留陀夷大驚怖懼便失聲言毗舍支毗舍支鬼也迦留

陀夷答我是沙門非鬼婦人答若沙門者不殺汝父不害汝母而墮我娘時此婦人往語十二法比丘十二法比丘往白世尊世尊告曰若比丘日過中食者障時尊者婆持婆梨聞世尊結過中食戒便作是語二食中最好最妙無過暮食而沙門瞿曇斷我此食諸比丘聞往白世尊世尊告曰此著味來日久不但今日聽我說往昔無數劫時劫盡天地融爛後此地有肥甚甘美肥如弱石蜜有一阿婆眾羅天子來下此地以指嘗地肥甚甘美

意愛樂喜還上天上語諸天子將諸天人來下教使嘗此地肥至三日身重不復能飛地肥漸沒地生幽土雹後漸自然梗米出而食之爾時此人亦著味今復著味

佛遊舍衛國祇樹給孤獨園尊者畢陵跋摩昔患目痛諸長者婆羅門送酥油蜜黑石蜜又諸生食諸弟子嘗停食經宿而食時十二法比丘見往白世尊世尊告曰若比丘無病停食經宿而食者墮佛世尊遊舍衛國祇樹給孤獨園時六群比

丘不受水不受食而食十二法比丘見往白世尊世尊告曰若比丘不受水不受食而食投面門除其冰楊枝者墮

併世尊遊舍衛國祇樹給孤獨園時六群比丘所至村落見酪乳酥魚肉脯輒乞自入

上二長者見自相謂言此沙門釋子大乞魚脯用爲往白十二法比丘十二法比丘往白世尊世尊集和合僧備十功德佛爲沙門結戒若比丘知彼村落有好酥乳酪出魚肉脯若比丘無病往彼乞者波逸提

佛世尊遊舍衛國祇樹給孤獨園爾時有二比丘住拘薩羅界深山中住未曾見佛常懷企望欲得見佛二人共議便發進路來見世尊時春後月極熱野馬像水日以向中值曠野中了無水漿身體焦渴二人處處求水值小澹水水少蟲多其一比丘語一比丘言飲此蟲水度此曠澤得覲世尊一比丘答言受世尊戒云何當壞時一人飲一人不飲其不飲水者命終生三十三天著百寶冠來詣世尊頭面禮足在一面住時世尊與說法使得

見誦其飲水者在後至世尊遙見比丘來賸優多羅僧示黃金體汝爲癡人用觀是四大身爲純盛臭處其見法者則見我身世尊告曰若比丘知雜蟲水而取飲者墮

佛世尊遊舍衛國祇樹給孤獨園有一長者請佛及比丘僧時六群比丘先前至飲食廚間止諸長者見自相謂言此沙門釋子先來是間妨作飲食十二法比丘聞往白世尊世尊告曰若比丘先至請飯食家坐若卧弄小兒墮

佛世尊遊舍衛國祇樹給孤獨園有一長者請比丘僧長者出行不在長者婦獨在後作食時尊者迦留陀夷先至長者家坐諸長者見自相謂言云何比丘釋子獨與婦人一處坐十二法比丘往白世尊世尊告曰若比丘先至請食家與婦人獨坐者墮

佛世尊遊舍衛國祇樹給孤獨園與大比丘僧五百人俱爾時鞞羅然村有婆羅門名阿耆達兜大富饒錢財田業成就時來至舍衛住一長者家語長者言卿此間頗有沙門婆

羅門聰明智慧將諸徒衆中人師者不有此人者我欲時時住禮拜問訊使我心開意解長者答此間有沙門瞿曇是釋種子出家學道剃除鬚髮服三法衣今成阿耨多羅三阿惟三佛欲往見者今正是時可往問訊婆羅門問瞿曇今爲所在欲往問訊時長者答今世尊在舍衛國祇樹給孤獨園欲往便往時阿耆達兜婆羅門明日出舍衛詣祇洹爾時世尊與無數億百千人說法時阿耆達兜婆羅門遙見世尊端正無比諸根具足身黃金

色即前至佛所擎拳稱善在一面坐世尊爲說種種微妙法說法已默然住時婆羅門白世尊言願沙門瞿曇及比丘僧受我夏坐九十日爾時世尊憶往昔對而不可避即默然受婆羅門請時婆羅門從座起擎拳辭退從舍衛國即往鞞羅然與佛比丘僧辨四月夏坐種種飯食至夏坐初勑守門者我今於四月中在內欲不出行莫令有人入若有苦樂吉凶事亦莫白我守門者即奉教命爾時世尊夏坐時到集和合僧世尊告曰汝等各各

收治衣鉢當詣鞞羅然所時五百比丘從世尊著衣持鉢至鞞羅然時鞞羅然無有堂舍比有大失利沙山山谷曠大草木深邃種種華樹若干種鳥爾時世尊及比丘僧於彼山宿時鞞羅然純婆羅門人民饑饉乞求難得世尊即夜集和合僧告諸比丘比丘當知此世尊即夜集和合僧告諸比丘比丘當知此比丘欲於此間夏坐者坐不者各隨所宜時舍利弗即退至阿蔑訶山頂受釋提桓因須夷阿須倫女請阿須倫女帝
釋第一夫人四月食天廚時

世尊於鞞羅然一不滿五百比丘結夏坐其長者婆羅門信佛者或作四食五食六食便止諸比丘乞求不能得時尊者目犍連白佛言所以名閻浮提因閻浮提果名東方去此無數千里取閻浮提果與比丘使食去果不遠有呵梨勒阿摩勒園至鬱單越五取自然粳米至三十三天取天甘露與諸比丘使食取此馬有五百疋比丘僧少一不滿五百馬日食麥一斗養馬人日食麥二升分人馬麥各半地以左手反此地右手取地肥與諸比丘使食世尊告目犍連曰知汝有此神力此諸比丘宿對因緣欲置何所世尊不許鞞羅然界

饒輶水草有馬子驅馬於中放見諸比丘乞求無所得語比丘言此閻穀貴乞求難得我無有熟食麩乾飯唯有馬麥須當相施諸比丘答世尊不許當食馬麥往白世尊世尊告曰雖知是馬隨時飲水飽生草可取食耳時

馬有五百疋比丘僧少一不滿五百馬日食麥一斗養馬人日食麥二升分人馬麥各半地以施佛比丘僧時阿難持世尊分及己分入鞞羅然求人熟見一婦人歎佛功德世尊有此戒三昧智慧解脫解脫智三十二大人相

八十種好莊嚴其身圓光七尺佛尋竟手足
覆四脰不啻七尺身黃金色視之無厭剃除
鬚髮被袈裟出家學道得阿耨多羅三耶三
佛教衆生厄不度者度不脫者脫不般涅槃
者令般涅槃無生老病死憂悲惱苦不出家
學道者當作轉輪王七寶前尊輪寶象寶馬
寶摩尼寶玉女寶長者寶主兵寶當有千子
雄健勇猛典四天下不加刀仗我及汝等皆
當臣屬受請至此鞞羅然夏坐大姝能以此
麥與作麩不婦人答曰我家急難役務事多

自尚不供況當供他去此不遠有一婦人聞
歎佛功德甚奇甚特便作此念世間乃有是
人耶即呼阿難持此麥來我與作麩從今日
始佛阿難及餘梵行者麥來我與作麩時此
婦人即磨麥持與阿難阿難持麩詣佛所行
澡水授佛麩佛便食之阿難見佛食麩悲泣
墮淚復作是念佛世尊是國王子常食好食
未曾食惡食云何今日食此麥麩那得氣力
時世尊知阿難心所念語阿難言汝能食此
麩不對曰能食世尊即授與一搏使食如天

甘露味阿難復作此念世尊食此必有氣力
世尊食已澡鉢行水自佛向者倩一婦人作
歎而不肯作有一婦人不倩而自作願聞其
意世尊告曰其不作者設當為作當為轉輪
聖王第一夫人不使而作者獲大功德雖不
更作餘福種阿耨多羅三耶三佛根對未畢

乏婆化比丘答飲食豐饒不能食盡今送餘
至舍衛往對償畢其時十六大國皆聞佛及
比丘僧在鞞羅然三月食馬麥諸富長者婆
羅門積財一億及入海導師車馬駱駝載負
種種供具往迎世尊及比丘僧餘有七日當
上八新歲佛知而問阿難新歲餘有幾日阿難白
佛餘有七日佛語阿難將二比丘入鞞羅然
旬化作比丘僧擔囊盛乾飯石蜜摸持丸百
葉餅於街巷間行諸長者問諸比丘從何所
來諸比丘答從鞞羅然來佛及比丘僧無所

竟欲普人間分衛時比丘白佛阿耆達兜竟
不一飯佛何以故告別世尊告曰雖不設飯

亦是請主法應當別時尊者阿難承佛教將
二比丘入鞞羅然住阿耆達兜門語守門者
汝往白阿難在外欲得相見時阿耆達兜在
中庭沐頭披白疋衣踞繩牀上時守門者即
白答語使入阿難即入徐徐就座默然須臾
婆羅門問以何事來阿難報言世尊語婆羅
門已受卿請九日今欲入人間普分衛婆
羅門問云何阿難瞿曇於此夏坐耶阿難答
卿前請夏坐而忘耶婆羅門問九十日中云
何得食阿難答大困大厄世尊及比丘僧三

月食馬麥時婆羅門憶請佛及比丘僧辦夏
坐具勑守門者莫令人來阿耆達兜婆羅門
復作是念四方遠近皆當聞我爲此惡事阿
耆達兜請佛比丘僧無有供養復語阿難可
留瞿曇沙門得懺悔不阿難答曰不得留時
阿耆達兜愁憂懊惱自投于地時親里衆以
水灑面起坐親里語阿耆達兜言汝莫愁憂
我等當詣瞿曇沙門所與汝悔過若不住者
持此種種飲食使人舉往當隨後行住處有
乏當以供奉時阿難與婆羅門及親里衆詣

世尊所悔過世尊遙見來若我不住者沸血
當從面乳出以大慈悲更住七日前所辦夏
坐四月飲食盡舉來豐饒盈溢時跋嚮人民
聞佛當來六十日普行分衛各辦供具以待
如來時世尊於鞞羅然具補納衣一日衣竟
上八
著衣持鉢詣跋嚮國阿耆達亦載飲食隨如
來後有所乏者即供足之如來所投頓輒在
前供辦並作是語我今日我明日請佛時跋
嚮人民聞阿耆達載飲食隨如來後此必妨
我不得飯佛即集會自作限制其作食飯佛

者作小食復作蜜漿勿聽婆羅門得作飲食
其有見阿耆達者當罵詈惡婆羅門將佛及
比丘僧九十日與馬麥食今復載飯食妨他
耶時婆羅門愁悶在一面立看諸人民供具
少者輒供足之唯見無豆粥即以胡麻子蘇
子豆擣阿摩勒鞞醯勒草荳作粥奉上世
尊世尊告曰分與比丘僧比丘僧不受世尊
不許當食此粥時婆羅門來白世尊諸比丘
不受此粥世尊告諸比丘從今以往有病無
病常服此粥有五事益於身體除餓不渴無

風寒病腸胃通利生食疾熟阿耆達復作是
念我夏四月辦種種飲食載飲食來復不得
飯佛及比丘僧我今當如祭神法布食著地
使諸比丘腳履上過則爲已食世尊曰此非
脚所履物此是口所食具世尊與婆羅門說
法說法已婆羅門即還去時世尊著衣持鉢
上八
還舍衛國有一外道梵志身體肥大從世尊
後有一婆羅門著道來問此梵志此間飲食
足若檀越少者以佛力一切充足有二婆羅
門婦來語尊者阿難見施少餅時以兩翻餅
長老得婆羅門言咄去汝爲惡言汝得肥

壯皆由瞿曇沙門而反更罵若瞿曇沙門聞
當爲沙門結戒不復與外道飲食諸比丘往
白世尊世尊告曰此外道異學長夜習顛倒
此等若被打中毒橫羅官事謂呼沙門瞿曇
爲時世尊故未與沙門結戒前至舍衛國舍
衛國長者與佛及比丘僧作酥餅百葉肥餅
諸佛世尊常法飲食不足終不起座要當食
足若檀越少者以佛力一切充足有二婆羅
門婦來語尊者阿難見施少餅時以兩翻餅
與一人一翻餅與一人得一翻者問彼一人

汝得幾翻答言得二翻反問汝得幾翻答得一翻汝長得一翻當與我分答各自得分不與汝分一人言阿難必是汝壻二人共相猝

滅大喚世尊知而問阿難此人何以共鬪阿難具白世尊世尊告曰若比丘自手與婆羅

門婆羅門婦餅者墮食有五種一根食根食者藕蘆筍繫婆陀根小二莖食莖食者甘蔗

叔基並諸所食莖三爲葉食諸所食葉四爲華食婆婆羅梨華婆婆羅酸華五爲果食

諸所食果蒲萄柑橘復有五食粟米糜米青

麥宛麥梗米若食此食時有婆羅門來乞當言非我食有索水者當言非我水索果者當言非我果盡不得與除其父母病人

佛世尊遊舍衛國祇樹給孤獨園王波斯匿與阿闍世常共鬪時興兵相伐六群比丘自

相謂言共往看軍馬即往看軍馬諸長者見自相謂言此沙門釋子出家爲道方觀軍馬以此事往白世尊世尊告曰若比丘軍馬欲發就往看者墮

佛世尊遊舍衛國祇樹給孤獨園波斯匿大

臣伊沙多富蘭那揜跋提見諦人將諸比丘
往看軍馬諸比丘亦有親里在軍馬中留比
丘住三日諸長者見自相謂言此沙門釋子
出家爲道必當傳彼此語十二法比丘聞往
白世尊世尊告曰若比丘在軍中不得過再

宿若過者墮

拘薩羅波斯匿王講武戲軍諸比丘往看諸
長者見自相謂言此沙門釋子非其所習而
來觀看十二法比丘聞往白世尊世尊告曰
若比丘講武戲軍若觀鹵簿幢麾者墮

佛世尊遊舍衛國祇樹給孤獨園時六群比
丘常與十七群比丘共諍六群比丘自恃豪
姓打十七群比丘諸長者見自相謂言云何
比丘比丘自相打十二法比丘聞往具白世
尊世尊告曰若比丘瞋比丘打者墮

時六群比丘瞋舉杖相恐以手相搏十二法

上

比丘見往白世尊世尊告曰若比丘不得舉

下

杖相恐以手相搏爲者墮

佛世尊遊舍衛國祇樹給孤獨園時跋難陀
弟難陀語跋難陀弟子言我欲有所至可逐

我到彼便然共往路逢一女人難陀便將猥處爲不淨行跋難陀弟子見還語諸比丘諸比丘往白世尊世尊因此事集和合僧備十功德佛爲沙門結戒若比丘見犯罪藏匿經一宿者波逸提

佛世尊遊舍衛國祇樹給孤獨園時跋難陀釋子便作是念此弟子辱我小弟今當報之便語弟子言我欲有所至著衣持鉢隨我來亦當語檀越好供養汝即相隨去處處將行從一家至一家視日欲中過犍槌時過便語

弟子汝還舍衛我不喜與汝共行即還向祇洹日已過中比丘食已竟即往白世尊世尊告曰若比丘語比丘作是言我欲有所至共我到彼當語檀越好供養汝將去之後復作是語汝去比丘我不喜與汝共行我樂獨行作如是調誑者墮

佛世尊遊舍衛國祇樹給孤獨園佛從舍衛欲詣拘薩羅界中道無有村落依止一山宿有一摩訶羅比丘負大腐木來欲然火有黑虺蛇木中來出比丘怖懼便失聲喚諸比丘

聞謂爲被賊即前問何以驚喚比丘如事答
諸比丘往白世尊世尊告曰若比丘不病於
露地聚薪草牛屎糠樹葉用然火者若自然
教他然者墮

佛世尊遊舍衛國祇樹給孤獨園時尊者舍
利弗來辭佛及比丘僧欲六十日普行分衛
上
時迦羅檀提比丘聞舍利弗欲六十日普行
分衛即來詣佛所頭面禮足在一面坐迦羅
檀提白世尊言尊者舍利弗懈慢不辭別世
尊及比丘僧欲於人間普行分衛時世尊即

勑一比丘僧汝往詣舍利弗所世尊來呼時
比丘即從座起頭面禮足而去詣舍利弗所
世尊使我來呼舍利弗舍利弗與此比丘詣
如來所頭面禮足在一面坐世尊告舍利弗
言舍利弗汝向者去不久有此比丘來言舍
利弗不辭佛及比丘僧欲於人間普行分衛
舍利弗白佛言所周行處未曾失旨無不辭
衆而行但此比丘所白事誤譬如麓牛截兩
角却將人間行無復觸突人意我亦如是未
曾懈慢不辭衆而行譬如此地舍容穢惡大

小行地亦不作此言當載此置此我亦如是
與地無異豈當懈慢不辭衆而行時迦羅檀
提比丘從座起禮舍利弗足悔過舍利弗悔
過願恕我如癡不及我今云何謗舍利弗淨
行我自前犯此妄語願舍利弗受我悔過時
上
世尊告舍利弗言時受悔過勿令此比丘於
此座上頭破七分時舍利弗承佛教即受其
悔過世尊告曰若比丘僧常法辭比丘僧僧
聽使行後比丘證言不如法辭比丘僧初可
後違者墮

佛世尊遊舍衛國祇樹給孤獨園時沙彌羅
雲舍利弗弟子夜不聽使房中宿所向諸房
皆不聽宿唯有一客比丘房無人羅雲於中
宿卧未久復有一客比丘至言汝是沙彌避
我大沙門去即牽曳出時羅雲墮淚行詣如
來廁入廁屋持如來一隻屐枕頭如眠有一
惡蛇常居此廁先出求食中夜暴風雨蛇走
來趣廁諸佛常法夜三時觀衆生誰應得度
見羅雲正爾當爲惡蛇所害時世尊即以三
昧力往至廁上時如來三彈指羅雲即覺世

尊問汝是誰沙彌答是羅雲世尊問何以於此眼羅雲具白世尊時如來右肘擁羅雲頭將至石室平旦世尊集和合僧告諸比丘言此沙彌無父無母唯仰和尚阿闍梨隨時看視不看者誰當看從今以往聽沙彌與大比丘再宿過者墮

佛世尊遊舍衛國祇樹給孤獨園時闡怒比丘生此惡念觀如來說法我悉知犯此惡法者不足以爲罪衆多比丘聞闡怒比丘生此惡念觀如來說法我悉知犯惡法者不足爲罪善比丘再三諫從諫者可不從諫者墮

罪時衆多比丘往至闡怒比丘所語闡怒比丘言審有是語觀如來說法我悉知犯惡法者不足爲罪耶闡怒答言此事信然世尊說法我悉知犯惡法者不足爲罪諸比丘語止止闡怒莫作是語亦莫謗如來謗如來者現世不得善世尊無數方便說犯惡罪沒今闡怒捨此倒見諸比丘諫而不肯隨諸比丘不知當云何往白世尊世尊告曰若比丘生此惡念觀如來說法我悉知犯惡事者不足爲罪善比丘再三諫從諫者可不從諫者墮

佛世尊遊舍衛國祇樹給孤獨園時聞怒比丘故習惡見不親近比丘僧與六群比丘爲伴受六群教諸比丘見往白世尊世尊告曰若比丘習惡見已擯出若與坐卧言語者墮佛世尊遊舍衛國祇樹給孤獨園時尊者目犍連有二沙彌不持戒習惡法在祇洹外各各爲惡諸比丘見語沙彌言世尊無數方便說姪不淨向姪念姪姪意熾盛姪之惡露汝等云何習此不淨時沙彌答我等亦見如來說法其習姪者無有罪諸比丘復語汝爲沙

彌莫作是語言世尊說法犯姪無罪莫謗如來其謗如來現身不得善汝今沙彌可捨惡見時沙彌不從比丘諫諸比丘不知云何往世尊告曰若沙彌作是語如來說法犯姪無罪時比丘來諫汝沙彌莫作是語世尊說法犯姪無罪莫謗如來者現身不善若沙彌從諫者善不從者比丘當語沙彌作是語從今以往不得禮如來世尊亦不得遂比丘行如諸沙彌應得與大比丘再宿汝今無汝今徙去不復得住此若比丘知此

沙彌以被擯將行作使若同止一宿者墮
佛世尊遊舍衛國祇樹給孤獨園時毗舍
無夷羅母著百種金瓔珞往詣世尊所毗舍
法無夷羅母中道便作是念我今往見世尊

著瓔珞非我禮即脫瓔珞白氈裹付一婢使
持無夷羅母先禮佛足在一面坐時世尊與
說種種微妙法說法已即從座起禮佛而去
時此婢使忘金瓔珞時阿難見即取舉之便
懷狐疑我不犯墮婆即白世尊世尊告曰若
比丘手捉金寶瓔珞若教人取者墮除其僧

園中得金寶當遍令無人取者停九日停
九日復令無人取者停三歲復令無人取
者以供僧事若三歲後有主來索者持僧物
償此是應取

佛遊舍衛國祇樹給孤獨園時六群比丘不
染新衣而著諸長者見自相謂言比沙門釋
子出家學道不染衣而著與俗人何異十二
法比丘聞往白世尊世尊告曰若比丘得新
衣當染作三色青皂木蘭若比丘不染作三
色青皂木蘭者墮

佛世尊遊舍衛國祇樹給孤獨園王波斯匿
別作浴室問諸阿逸今日應浴不諸比丘答
今日應浴王語比丘於我浴室浴諸比丘或
早食時浴或食後浴或夜浴波斯匿王夜來
欲浴諸比丘洗王不得浴竟夜欲曉方乃得

浴王便作是念我不得見如來即還城者非

是我宜時王波斯匿即詣佛所頭面作禮在一
面坐佛知而問王時猶未曉王從何來王具
白世尊時佛爲王說種種法默然住王聞
說法已即從座起頭面禮足而去世尊見王

去不久集和合僧備十功德佛世尊與沙門
結戒若比丘半月一浴過者波逸提此應時
春後一月半歲前一月此應得浴除其熱風
兩僧作著路行此常得浴

戒因緣經卷第八

音釋

晡	博孤切	霹	普擊切	霆	都擊切
	申時也	靂	雷之急激者		
望	姓汝鷗切	震	曰霹靂		
止	姓娘並孕也	震			
倩	麥尺沿切	脢	方矩切		
	乾根也	脢	乾肉也		
七	政切	脢	至移肉切		
借	使人也	脢	同		
	擣春也	脢			
不	啻	企	企詰利		
啻	啻	望	企詰利		
芟	芟	不啻	啻不啻利		
芟	芟	芟	芟失利		
	吉				
比					

上八

十一

永樂北藏

戒因緣經

第八九册

永樂北藏

戒因緣經

第八九冊